

# A HERDANZA DO VENTO

Voltamos da viaxe ao país dos ananos  
Entre verbas baleiras, entre tanto mercenario  
Executo brincadeiras neste día dos enganos  
Poño a vista no futuro pero lembro o meu pasado  
Queres caldo? Tes sete cuncas neste track  
Golpeando no meu peito coa enerxía dun All Black  
Que non era capaz de manter a mente limpa?  
De rachar con ese estigma que nos quere calar?  
Unha noite no muíño non é noite nin é nada  
Comparada coa xornada da labrega explotada  
Se morro na batalla, regreso nas facianas  
Das milleiras que traballan para nunca ser escravas  
Fartas, insomnes, axitando as conciencias  
Andamos a monte para manter a nosa esencia  
Con Suso Vaamonde e a súa insolencia:  
Que se vaian pró carallo os ladróns da nosa terra

Esta loita non a mata o tempo  
Somos as herdeiras de quen venceu ao vento  
Resistindo ao noso desencanto  
Porque aínda existe a dor, porque aínda existe o pranto

Esta loita non a mata o medo  
Somos as herdeiras de quen rachou con este ceo  
Confrontando coa noite do outono  
Para todas sempre a luz, para todas sempre todo

Regresamos con valor como obreiras francesas  
Con ganas de vencer, con aires de grandeza  
Sempre fieis á batalla, queremos dar a talla  
Resistimos con orgullo como as FARC nas montañas  
Temos a rabia dunha explotada nun call center  
Da bombeira queimada, da vítima dun ERE  
Da muller maltratada, da compañeira acosada  
Da neta que non esquece á súa avoa fusilada  
Arrogantes, disidentes, como Muhammad Ali  
Eternas como Jimmy, como Shangay Lily  
Neste noso transporte dá igual o pasaporte

Vén María Ginestà sinalando o horizonte  
E dá igual o que veña, que penas xa son moitas  
Que nos pasen os anos, medremos entre loitas  
Sigamos firmes, unidas, rebeldes e insumisos  
Que veñan por nós, agardaremos cun sorriso

Retrouso

Seguimos berrando dende o mar contra o terror  
Pra que escoite quen prefire que aturemos esta dor  
Rap de combate e de acción, compromiso e paixón  
Estas letras son de guerra pra mañá cantarlle ao amor  
Solidarias sen temor, como as Brigadas  
Valentes como as sindicalistas rapadas nas prazas  
Pisaremos esas serpes que só morden ás descalzas  
Faremos da rabia música, como Gata Cattana  
Na mente as fuxidas e as que o deron todo  
Non esquezo a Pavlos Fyssas nin tampouco a José Couso  
Como as obreiras de Alcoa loitamos polo que é noso  
E entre tanto clarescuro imos vencer aos monstros  
Fronte ao pesimismo, sorrí por ti e por todas  
Supera cada derrota, sempre en pé ata a vitoria  
Alegra xa esa cara, veña, que agora nos toca  
É hora de que as vencidas escriban a súa historia

Retrouso